

ԸՆԴՈՒՆԵԼՈՒԹՅՈՒՆՆԵՐ

ՄԸՅՐ ԸԹՈՌՈՒՄ

ԲՈՒԼՂԱՐԻԱՅԻ ՊԱՇՏՊԱՆՈՒԹՅԱՆ ՆԱԽԱՐԱՐՆ ԱՅՑԵԼԵՑ ՄԱՅՐ ԱԹՈՌ Ս. ԷԶՄԻԱՄԻՆ

Սեպտեմբերի 7-ին Մայր Աթոռ Ս. Էջմիածին այցելեց Բուլղարիայի պաշտպանության նախարար Դմիտր Պավլովը՝ Հայաստանի Հանրապետության պաշտպանության նախարար Վազգեն Սարգսյանի ուղեկցությամբ։ Վեհաքանոմ մեծազարգ Հյուրին ընդունեց Նորին Սրբություն Գարեգին Ա Ամենայն Հայոց Կաթողիկոսը։

Ջրույցի ընթացքում պրն. Պավլովը խոսեց Հայ և բուլղար ժողովուրդների բարեկամության մասին՝ նշելով, որ այն ունի դարերի պատմություն։ Ապա մեծա-
հարգ Հյուրը որոշ տեղեկություններ տվեց Բուլղարիայի և Հայաստանի պաշտպանության նախարարների կողմից օրերս կնքված Համակողմանի պայմա-
նագրի մասին և ընդգծեց, որ այն լիիրավ կյանքի կոչելու համար շատ ցանկալի է ստանալ Նորին Սրբության օրհնությունը։

Ողջունելով և իր օրհնության պատգամը տալով երկու նախարարությունների ձեռնարկներին, Վեհափառ Հայրապետը իր հերթին ևս ընդգծեց Հայ և բուլղար ժողովուրդների հղբայրական հարաբերությունների փաստը՝ ասելով, որ նրանց կապող օղակ է Հանգիսացել ոչ միայն ընդհանուր հավատքը, այլև նրա հանդեպ ունեցած հավատարմությունը և պայքարը հանուն այդ հավատքի։

Ապա Նորին Սրբությունը խոսեց առաջիկայում կայանալիք մյուսոն-
օրհնության արարողության և Հայաստանում Բրիստոնեությունը պետականորեն ընդունելու 1700-ամյակի տոնակատարության մասին՝ շնչտելով, որ տոնակատա-
րությունը կդառնա Եկեղեցիների ու ժողովուրդների բարեկամության իսկական չքահանդես։

Հանգիպումն անցավ ջերմ, անկեղծ մթնոլորտում։

ՍԻՐԻԱՅԻ ԺՈՂՈՎՐԴԱԿԱՆ ԺՈՂՈՎԻ ՊԱՏԱՍԽԱՆԱՏՈՒ ՔԱՐՏՈՒՂԱՐՆ ԱՅՑԵԼԵՑ Ս. ԷԶՄԻԱՄԻՆ

Սեպտեմբերի 6-ին Նորին Սրբություն Գարեգին Ա Ամենայն Հայոց Կաթողիկոսը Մայր Աթոռ Ս. Էջմիածնում ընդունեց Սիրիայի ժողովրդական ժողովի պատասխանատու քարտուղար, Հայ-սիրիական պատգամավորական խմբի անդամ Մուհամեդ Նիհադ Մուշանտադին։

Ջերմ զրույցի ընթացքում Նորին Սրբությունն անդրադարձավ Հայ-սիրիական դարավոր կապերին։ Բարձր գնահատելով Սիրիական պետության վարած

խաղաղասիրական գործունեությունը Մերձավոր Արևելքի տարածաշրջանում, Վեհափառ Հայրապետը իր խոր երախտագիտությունն արտահայտեց դարիս առաջին Ցեղասպանության և 1988 թվականի սոսկալի երկրաշարժի օրերին սիրիական ժողովրդի ցուցաբերած մարդասիրական վերաբերմունքի համար: Ապա զրույցն ընթացավ Հայաստանի ներկա իրավիճակի, Հայ-սիրիական հարաբերությունների հետագա զարգացման, ինչպես նաև Հայ Եկեղեցու խնդիրների ու գործունեության շուրջ:

Պատասխան խոսքում իր հարգանքն արտահայտելով Հայ ժողովրդի, նրա դարավոր մշակույթի և հոգևոր կենտրոն Ս. Էջմիածնի նկատմամբ, պրն. Մուշանսաղը շնչոք, որ Հայ ժողովուրդը ապրող, դեպի ապագան քայլող ժողովուրդ է, և ընդգծեց, որ իր պետությունը, ի դեմս Հայաստանի, տեսնում է ջերմ ու անկեղծ բարեկամի: Հարգարժան հյուրը ողջունեց նաև այն իրողությունը, որ Հայաստանն այսօր աշխարհին է ներկայանում իբրև ազատ ու անկախ պետություն:

Հանդիպմանը ներկա էին Հայ-սիրիական պատգամավորական խմբի փոխնախագահ Արամ Մանուկյանը, Պատգամավորական խմբի անդամներ, Արտաշատի քաղաքապետ Հովհաննես Աբրահամյանը:

ՖԻԴԵ-Ի ՆԱԽԱԳԱՀՆ ԱՅՑԵԼԵՅ ՄԱՅՐ ԱԹՈՌ Ս. ԷԶՄԻԱԾԻՆ

Սեպտեմբերի 7-ի երեկոյան Նորին Սրբություն Գարեգին Ա Ամենայն Հայոց Կաթողիկոսն ընդունեց ՖԻԴԵ-ի նախագահ, Կալմիկիայի Հանրապետության նախագահ պրն. Կիրսան Իլյումժինովին: Զրույցի ընթացքում հարգարժան հյուրը Վեհափառ Հայրապետին ծանոթացրեց սեպտեմբերի 15-ին Երևանում բացվող շախմատի օլիմպիադայի նախապատրաստական աշխատանքների ընթացքին, հակիրճ տեղեկություններ տվեց մասնակից երկրների թվի, մրցույթի անցկացման կարգի մասին: Պրն. Իլյումժինովը նշեց, որ Երևանը ընտրվել է հերթական օլիմպիադայի քաղաք ոչ պատահականորեն, քանի որ Հայ ժողովուրդը շախմատի աշխարհին տվել է այնպիսի մեծ անուններ, ինչպիսիք են Տիգրան Պետրոսյանը, Գարի Կասպարովը, Ռաֆայել Վահանյանը:

Վեհափառ Հայրապետը ողջունելով հյուրին նրա խնդրանքով պատմեց Հայ Առաքելական Եկեղեցու ավանդությունների և ծիսակատարությունների, մասնավորապես հաջորդ օրը կայանալիք մյուռոնօրհնության արարողության մասին: Նորին Սրբությունն իր ուրախությունն արտահայտեց այն առթիվ, որ շախմատային օլիմպիադան համընկնում է Հանրապետությունում նախագահական ընտրություններին և հաջորդում մյուռոնօրհնությանը: Խոսքի ավարտին Գարեգին Ա Վեհափառ Հայրապետը հաջող և բարի ընթացք մաղթեց մրցաշարին:

Հանդիպմանը ներկա էին Հայաստանի շախմատի ֆեդերացիայի նախագահ Վանիկ Զաքարյանը և ՖԻԴԵ-ի Եվրոպական 5-րդ գոտու նախագահ Գաբիկ Հովհաննիսյանը:

ԳԱՐԵԳԻՆ Ա ԿԱԹՈՂԻԿՈՍՆ ԸՆԴՈՒՆԵՑ ԻՒՀ ԱՐՏԳՈՐԾՆԱԽԱՐԱՐԻ ՏԵՂԱԿԱԼԻՆ

Սեպտեմբերի 10-ին Մայր Աթոռ Ս. Էջմիածին այցելեց Իրանի Իսլամական Հանրապետության Արտգործնախարարի ԱԳՀ երկրների և եվրոպայի գծով տեղակալ ՄաՀմուդ Վալեզին:

Ողջունելով մեծաՀարգ Հյուրին, ՎեՀափառ Հայրապետը նշեց, որ Իրանի և Հայաստանի միջև ներկայիս բարեկամական Հարաբերությունները պետք է զարգանան առավել լայն հունով և բազմակողմանիորեն: Կրոնների տարբերությունը չպետք է խոչընդոտ Հանդիսանա մեր Համագործակցությանը: Մենք պետք է Համագործակցենք Հանուն ընդհանուր նպատակների, ասաց Նորին Սրբությունը և շեշտեց Հոգևոր արժեքների վերարժևորման, երիտասարդությանը բարձր բարոյական չափանիշերով դաստիարակելու անհրաժեշտության կարևորությունը:

Պրն. Վալեզին իր Համերայնությունն արտահայտելով ՎեՀափառ Հայրապետի խոսքերին, նշեց, որ այդ խնդիրները դարձել են Համամարդկային հուզող խնդիրներ և այսօր դրանց լուծման ուղղությամբ անհրաժեշտություն է դարձել բոլոր եկեղեցիների և կրոնների միջև երկխոսություններ վարելը: Դա է իսկական Համագործակցության նախապայմանը:

Հանդիպմանը ներկա էր Հայաստանում Իրանի Իսլամական Հանրապետության արտակարգ և լիազոր դեսպան Համիդուդա Նիքքար Էսֆահանին:

ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏՆ ԸՆԴՈՒՆԵՑ ՍՓՅՈՒՌՔԱՀԱՅ ՈՒՆՏԱՎՈՐՆԵՐԻՆ

Սեպտեմբերի 11-ին ՎեՀարանի Հանդիսությունների սրահում Նորին Սրբություն Գարեգին Ա Ամենայն Հայոց Կաթողիկոսն ընդունեց Ֆրանսիայից, Բրազիլիայից, Կանադայից, Միացյալ Նահանգներից և Լյուքսեմբուրգից ժամանած ուխտավորների խմբին:

Հայրական քաղցր սիրով ողջունելով ներկաներին, ՎեՀափառ Հայրապետը խոսեց Վերածնունդ ապրող Հայ ժողովրդի և Հայ Եկեղեցու մասին:

«Մեզ այսօր ժառանգություն են Հասել մեր Հայրերի նվիրումով ստեղծված մեծագույն արժեքներ, բայց մենք չպետք է գոհանանք եղածով, - ընդձեց Նորին Սրբությունը, - քանի որ կյանքում կարևորը ոչ թե մեր ունեցածն է, այլ մեր արածը: Շարունակենք մեր Հայրերի գործը՝ սրտում ունենալով նրանց Հավատն ու նվիրումը, յուրաքանչյուրս կատարենք պարտքի մեր բաժինը և արժանավայել դիմավորենք 2001 թվականը»:

ՎեՀափառ Հայրապետը շեշտեց նաև, որ Զ-րդ Հազարամյակ ընթացող ճանապարհին առանձնակի կարևորվում է նոր եկեղեցականների պատրաստելու և երիտասարդությունը բարձր բարոյական չափանիշերով կրթելու անհրաժեշտությունը:

ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏՆ ԸՆԴՈՒՆԵՑ ԳԵՐՄԱՆԻԱՅԻ ԴԵՍՊԱՆՆԻՆ

Սեպտեմբերի 12-ին Նորին Սրբություն Գարեգին Ա Ամենայն Հայոց Կաթողիկոսին իր առաջին այցելությունը տվեց Հայաստանում Գերմանիայի արտակարգ և լիազոր դեսպան տիկ. Կարոլա Մյուլլեր Հոլթբեմֆերը:



Զրույցի ընթացքում տիկ. Հոլթբեմֆերը նշեց, որ Հայաստանում իր ծառայության ընթացքում պետք է անի գերագույն կարելին՝ Գերմանիայի և Հայաստանի Հարաբերությունները առավել սերտացնելու համար:

Վեհափառ Հայրապետը ջերմ սիրով ողջունեց դեսպանի առաքելությունը, ապա նրա խնդրանքով մանրամասն տեղեկություններ տվեց Մայր Աթոռ Ս. Էջմիածնի գործունեության, Հայ Եկեղեցու ավանդությունների և դերի մասին:

Հանգիստանը ներկա էր Գերմանիայի Հայոց Թեմի առաջնորդ Գարեգին արք. Բեդյանը:

ՆՎԻՐԱՏՎՈՒԹՅՈՒՆ ՄԱՅՐ ԱԹՈՌ Ս. ԷԶՄԻԱԾՆԻՆ

Մայր Աթոռի Թանգարանային Հավաքածուն Հարստացավ ևս երկու թանկարժեք նմուշներով: Բեյրութաբնակ Հավաքորդ, Հնագետ, դրամագետ և պատմաբան, մեր Հայրենակից Նրվանդ Արալյանը իր Հավաքածուից Մայր Աթոռ Ս. Էջմիածնին նվիրաբերեց երկու անգնահատելի արժեքներ՝ Ս. Գրիգոր Լուսավորչի փոքրիկ կավե կիսանդրին (6-րդ դարի աշխատանք) և Արտաշիսյան ու Ռուբինյան շրջանների 20 մետաղադրամների Հավաքածուն: Նմուշները պրն. Արալյանի երկար տարիների Հետևողական աշխատանքի և Համառ փնտրտուքի արդյունքն են:

«Այս նվիրատվությունը՝ Մայր Աթոռի և Հայրենիքիս նկատմամբ ունեցած իմ սիրո և նվիրվածության արտահայտությունն է», Վեհափառ Հայրապետին արժեքները Հանձնելու պաՀին ասաց պրն. Արալյանը:

ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏՆ ԸՆԴՈՒՆԵՑ ԲԱՐՈՆՈՒՀԻ ՔԵՐՈՒԱՅՆ ՔՈՔՍԻՆ

Սեպտեմբերի 18-ին Նորին Սրբություն Գարեգին Ա Ամենայն Հայոց Կաթողիկոսն ընդունեց Անգլիայի Լորդերի պալատի փոխխոսնակ բարոնուհի Քերոլայն Քոքսին: Տիկ. Քոքսը Վեհափառ Հայրապետին Հանգամանորեն ներկայացրեց իր նախորդ և ներկայիս Լեռնային Ղարաբաղ կատարած այցելությունների Հաշվետվությունը՝ մասնավորապես կանգ առնելով առողջապահական, սոցիալական, կրթական խնդիրների և վերականգնողական աշխատանքների վրա:



Հանդիպմանը ներկա էր նաև Երեխաների խնամքի կազմակերպման ծառայության "Bridge" («Կամուրջ») կազմակերպության Կրթության զարգացման բաժնի տնօրեն տիկ. Ռենուկա Ջեյարաջա-Դենթը, որը Վեհափառ Հայրապետին ծանոթացրեց կրթական-դաստիարակչական ասպարեզում իրենց կազմակերպության կողմից իրականացվող և իրականացվելիք աշխատանքների ընթացքին:

Վեհափառ Հայրապետը, ողջունելով Հարգարժան տիկնանց առաքելությունը, նշեց, որ նման բարձր մարդասիրական վերաբերմունքն ու ուշադրությունը լավագույն սպեղանին են պատերազմի դժվարություններից նոր-նոր դուրս ելած Արցախի ժողովրդի Համար:

Լյուբերին ուղեկցում էր գրող-հրապարակախոս Զորի Բալայանը:

ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՊԱՏԵՐԱԶՄԻ ՀԵՏԵՎԱՆՔՆԵՐԻ ՀԱՐՑԻ ՔՆՆԱՐԿՄԱՆԸ ՆՎԻՐՎԱԾ ԱՐՑԱՅԻՆՈՒՄ ՏԵՂԻ ՈՒՆԵՆԱԼԻՔ ԳԻՏԱԺՈՂՈՎԻ ՄԱՍՆԱԿԻՑՆԵՐԻՆ

Սեպտեմբերի 22-ին Գարեգին Ա Ամենայն Հայոց Կաթողիկոսն ընդունեց Արցախում տեղի ունենալիք պատերազմի հետևանքների, ցավի և տառապանքի երևույթների քննարկմանը նվիրված գիտաժողով-Հավաքի մասնակիցներին՝ Հավաքի կազմակերպիչ, Հայաստանի Հանրապետության Ազգային Ակադեմիայի

անդամ Սեններիկ Հայրապետյանի ուղեկցությամբ: Գիտնականները, որոնք ներկայացնում էին Ամերիկայի, Եվրոպայի և Ասիայի 20 երկրներ, Վեհափառ Հայրապետին ծանոթացրեցին գիտաժողովի նպատակներին՝ ընդգծելով այն միտքը, որ իրենց հավաքը նախ և առաջ նպատակաուղղված է պատերազմները կանխելու և արգելելու ուղիներ որոնելուն, ապա և նրա կործանարար հետևանքները վերացնելու խնդիրներին լուծմանը՝ հատկապես ուսումնասիրելով մարդկային ցավի ու տառապանքի հարցը, ջանալով լուծումներ գտնել այդ ուղղությամբ և առաջադրել:

Վեհափառ Հայրապետը, ողջունելով գիտաժողովի մասնակիցների հումանիստական առաքելությունը, նրանց պարզեց իր հիմնական տեսակետները քննարկվելիք հարցի մասին և ապա իր Հայրապետական օրհնանքը տվեց նրանց և հաջորդություններ մաղթեց գիտաժողովի աշխատանքներին:

ԳՍՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՄԻԱՑՅԱԼ ՆԱՀԱՆԳՆԵՐԻ ԴԵՍՊԱՆ ՊՐՆ. ՊԻՏԵՐ ԹՈՄՍԸՆԻՆ

Սեպտեմբերի 22-ին Նորին Սրբություն Գարեգին Ա Ամենայն Հայոց Կաթողիկոսն ընդունեց Հայաստանում Ամերիկայի Միացյալ Նահանգների արտակարգ և լիազոր դեսպան պրն. Պիտեր Թոմսընին:

Շուրջ մեկժամյա զրույցի ընթացքում Նորին Սրբությունն ու հարգարժան դեսպանը զրուցեցին Հայաստանի ներկա իրավիճակի, անցած հինգ տարիների ձեռքբերումների և առկա խնդիրների շուրջ:

ԳՍՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԻՍՊԱՆԻԱՅԻ ԿՈՐՏԵՍԻ ԱՐՏԱՔԻՆՀԱՐԱԲԵՐՈՒԹՅՈՒՆՆԵՐԻ ՀԱՆՁՆԱԺՈՂՈՎԻ ՆԱԽԱԳԱՀ ՊՐՆ. ԽԱՎԻԵՐ ՌՈՒՊԵՐԵՍԻՆ

Սեպտեմբերի 23-ին Մայր Աթոռ Ս. Էջմիածին այցելեց Եվրոպայի անվտանգության և համագործակցության կազմակերպության խորհրդարանական վեհաժողովի նախագահ, Իսպանիայի Կորտեսի արտաքին հարաբերությունների հանձնաժողովի նախագահ պրն. Խավիեր Ռուպերեսը: Վեհափառ Հայրապետը ընդունեց Գարեգին Ա Վեհափառ Հայրապետը:

Անկեղծ զրույցի ընթացքում պրն. Ռուպերեսը Նորին Սրբությանը ներկայացրեց դարաքաղյան հակամարտության կարգավորման գործում կատարված աշխատանքներին՝ ընդգծելով, որ հանձնաժողովի ողջ ջանքերն ուղղված են այն բանին, որ հակամարտությունը լուծվի միմիայն քաղաքական ճանապարհով:

Վեհափառ Հայրապետը մանրամասն կերպով պարզաբանեց իր տեսակետը՝ դարաքաղյան հարցի արդար լուծման համար որպես հիմք ունենալով մարդկային իրավունքները և ազգերի ինքնորոշման իրավունքի գործադրությունը, խաղաղ և բանակցային եղանակները:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՀԱՅԱՍՏԱՆՈՒՄ ՄԻԱՑՅԱԼ ԱԶԳԵՐԻ ԶԱՐԳԱՑՄԱՆ ԾՐԱԳՐԻ ՆԵՐԿԱՅԱՑՈՒՑԻՉ ԺԱՆ ՄԱՐԻ ԼՈՐԺԵՒՆ

Սեպտեմբերի 25-ին, ժամը 13.00-ին, Մայր Աթոռ Ս. Էջմիածին այցելեց Հայաստանում Միացյալ Ազգերի Զարգաման Ծրագրի ներկայացուցիչ Ժան Մարի Լորժեն՝ իր պաշտոնավարման ավարտին Վեհափառ Հայրապետից հրաժեշտ առնելու նպատակով:

Պրն. Լորժեն Վեհափառ Հայրապետին փոխանցեց Հայաստանից և Նրա ժողովրդից ստացած իր ջերմ տպավորությունները և խոր համոզումով ընդգծեց Հայաստանի Հանրապետության զարգացման ճիշտ ընթացքի իրողությունը:

Նորին Սրբությունը բարձր գնահատեց կազմակերպության հոգածու վերաբերմունքը Հայաստանի նկատմամբ՝ շնչտելով պրն. Լորժեի և Նրա օգնականների թաղմօգուտ ծառայությունների դերը մեր նորանկախ պետության և Նրա ժողովրդի բարգավաճման գործում:

ԳԱՐԻ ԳԱՍՊԱՐՈՎՆ ԱՅՅԵԼԵՑ ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ

Սեպտեմբերի 27-ին Գարեգին Ա Վեհափառ Հայրապետին իր այցելությունը տվեց տաղանդավոր շախմատիստ, աշխարհի չեմպիոն Գարի Գասպարովը:



Ջերմ և մտերմիկ զրույցի ընթացքում աշխարհահռչակ շախմատիստը իր խորին հարգանքն արտահայտեց Մայր Աթոռ Ս. Էջմիածնի և Նորին Սրբության Հանդես և սիրով մանրամասն տեղեկություններ հաղորդեց շախմատի օլիմպիադայի ընթացքի մասին: Ապա զրույցն ընթացավ մեր նորանկախ Հանրապետության

անցած ճանապարհի և ներկա կացության շուրջ: Գարեգին Ա Վեհափառ Հայրապետը, գնահատանքով խոսելով անցած հինգ տարիների ընթացքում Հայաստանում կատարված վերափոխումների մասին, նշեց, որ այդ շրջանը իրավամբ կարելի է որակել որպես ազգային վերազարթոնքի և միասնության հնգամյակ: Խոսակցության ընթացքում հարգարժան հյուրը մեծ հետաքրքրությամբ լսեց նաև Նորին Սրբության հաղորդած տեղեկությունները՝ Մայր Աթոռ Ս. Էջմիածնի գերի, նրա ծավալած գործունեության և Եկեղեցում ընթացող վերափոխումների մասին:

Հանդիպման ավարտին Գարեգին Ա Կաթողիկոսը իր հայրական օրհնություններով և բարեմաղթանքներով տաղանդալատ շախմատիստին նվիրեց Ս. Էջմիածնի և 1988 թվականի երկրաշարժի հուշամեդալները, Ս. Էջմիածնի գանձերը ներկայացնող ալբոմը՝ նրան ցանկանալով նորանոր բարձունքներ և հաղթանակներ:

ՄԱՄԼՈ ԴԻՎԱՆ ՄԱՅՐ ԱԹՈՌԻ

